

اوارہ خانہ

باب عالی جاہدہ سندھ دائرۃ مخصوصہ

آبونہ سُرّاطی

ممالک عثمانیہ ۱۷۰۰ سنہ لکھی (۶۵) ، التي
آیلغی (۳۵) غروشدر . ممالک اجنبیہ ۱۷۰۰
سنہ لکھی (۱۷) ، التي آیلغی (۹) فرانقدر .
[ایضاحات : نسخہ سی الی پارہ ، التي
آیلغی بر جلد ، ہر جلد ۲۶ نسخہ در .]

اخطارات

§ آبونہ بدلی پشیندر .

§ آدرس تبدیلیندہ قرق پارہ لک

پول کوندرملی در .

§ مسلک موافق آثار مع المصنویہ

قبول اولنور . درج ایدیلمہ یں یازیلر

اعادہ اولونماز .

سُرّاطی

۱۳۳۰

دینی ، علمی ، ادبی ، سیاسی ہفتہ لق مجموعہ اسلامیہ در

واللہ یهدی من یشاء الی صراط مستقیم

اتبعون اهدکم سبیل الرشاد

صاحب و مدیر مسئول : ح . اشرف ایب

جلد ۱۰

۶ حزیران ۱۳۲۹

پنجشنبہ

۱۴ رجب شریف ۱۳۳۱

عدد ۲۴۹

یکدیگرینه مربوط و معلق اولان نامتناهی عوامل مؤثره نك تحت تأثیرنده وقوعه کلور . بواسباب عدیده آرمسنده الك روحلی ، الك مؤثر برطاقم اجتماعی ، حیاتی نقصانلر ، بوزوقلقلر واردرکه اعراض مختلفه آرمسندن بوخسته نك ، بوضعف عمومینك اسباب اصلیه سنی میدانه چیقارمق ایچون الی قلم طوته بیلن هر فرد یازملی ، سویللی ، دوشونملی و خسته نك او کینه کچمکه چالشمیلدرکه آتینك خلاصی ممکن اوله بیاسون . شوراسی محققدرکه مغلوب اولان ، اردو دکل ، عثمانلیق هیئت مجتمعه سی ، عثمانلی ملتیدر . چونکه اردو ملتک محصله قوتیدر . اردونك خطالی حرکتی اوکه سورهرک مغلوبیتی عسکرده ، اداره عسکریه ده ، امر قومانداده ، تعلیم و تربیه نقصاننده وسائرده آرامق محاکمه ذاتیه مه کوره اسباب فرعی نك تحلیلی ایله اوغراشمقدر . طبیعیدرکه بر اردو مغلوب اولمق ایچون عسکرنده ، تعلیم و تربیه سننده ، امر و قومانداده هیئتنده برچوق قصور اولمق کرکدرکه اوده ملتک هیئت مجموعه سنك طریق ترقی و تمدنده کری قالمش و اوزرنده یشادینی طوبراقده حق حیاتی قالمش اولمیسیدر . کرچک ؛ قوتیلرک ضعیفاری مغلوب ایتسی قانون طبیعینك بز اوکینه کچه مزدک . مغلوبیتمز ، ضمیمزک اک باهر دلیلیدر . بناء علیه امر قومانداده فلان قصور اولیه ایدی مغلوب اولیه حق ایدک ، دیمک آتی ایچون فلاکت انقراضدن قورتلغه ضمان اوله مز . بلکه بزى انقراضی حاضرلیه حق عطالته سوق ایدر . شبهه سزکه او قصورلر برسببک ، برسبب اصلینك اثریدر . قانون طبیعی سوبقه درکه اوکی قصورلر ارتکاب ایداشدرده ملتده مغلوب اولمشدر .

خطاسنی معترف اولمق جسارت مدنیه صاحبی اولمقدر . آتی ایچون برانبنه حصولی اول امرده خطالرک اعترافیه و ضمیمزی ، عجزمزی ادراکله اولور . یوقسه ینه عظمتفر و شانه مطالعات ایله امرار وقت ایدر ، ماضیمزک شمشه سندن ، عظمتندن دمکذار اوله رق یالکوز بو افتخار ایله متسلی اوله رق حاله ، بو حال اسف اشتاله چاره ساز اولمغه یلتمز ایسه ک هزار تأسف !... کله لم صدده : بن کندی جسم اعتباریه ، ناقابل تعداد اولان اسباب مغلوبیتمز آرمسنده ، بللی باشلی عامل مؤثر اوله رق بهرالت و ضعف حسابات دینیری تشریح ایتیمک ایسترم .

فی الحقیقه جهالت عمومیه فکرجه اسباب مغلوبیتمزک الک برنجی مؤثریدر . غالبلر مز بالقان اردولری دکل ، بالقانلیرک مکتب ابتدائی معلملریدر . بالقان اردولرنی وجوده کتیره بالقان ملتارنده براید آل ، بر مفکوره دوغمشدر که بو مفکوره بی تولید ایدن مؤثر مکتب معلملریدر .

غایه مقصدی ، هدفی اولمیان ملتار یشایه مز . نصلکه حیات فریدیه املسز ، هدفسز یشامق قابل اولمزسه هیئت مجتمعه بشریه دهده بر غایه فکری تاسس ایتیمک مشروطدر .

مفکوره ایسه دماغک تنورینه تابمدر . طویغوسز یشایان ملتار جمعیات بهیمیه دن فرقلی اوله مزلر . شو حالده اوزرنده یشادینمز و خیر

راهب — حنا قرده ش بو نه ؟

حنا — بالقی .

— بوبالقی دکل ، طاووق در .

— خایر اقدام ، بالقد در .

— جانم بویله بالقی اولورمی ؟ ایشته قوسقوجه برطاووق !

— کرچه بونک اصل اسمی طاووق در ؛ فقط شمدی بونک اسمنه

بالقی دیمش اولسه ق سکا برضرر کله جکمی ؟

— بو ، قطعاً صحیح دکل در .

— شمدی بنم اسم نه در ؟

— سنک اسمک خنادر .

— اولجه نه ایدی ؟

— اولجه محمد ایدی .

— مادامکه اسم تغییر ایتیمکه حقیقت مسمی قطعاً تغیر ایتیمورمش ،

اولیه ایسه بن مسلمان دن بشقه برشی دکل : « اشهدان لا اله الا الله و اشهد

ان محمداً رسول الله . »

حنابونی سویله دکن سوکره طاوونمی دهیدی . صباح اولنجه صومعه

دن ده چیقوب کیتدی . »

آقسه کیلی

اصحصری

تصحیح : کچن نسخه ده کی نو طک ایکنجی سطرندن سوکره آتیده کی

سطر مکرر دیزیلدیکی ایچون تصحیح خنده بریسی چیقاریلدینی حالده هر اصلسه

مطبعه جه سهواً ایکسی ده چیقارلمش اولدینی بعد الطبع اکلا شلمغله معناه

اولان اهمیتنه منبی تصحیحه لزوم کورولمشدر :

« فاتحه فی تغیر ایدرکن «ایک نعبد و ایک نستعین» آیت کریمه سنک تفسیرنده

سویلمش درکه بزده بوجه »

مَدَائِلُ

اسباب مغلوبیتمز دن

محارب ایکی ملتدن برینک غالبیتی دیکرینک ده مغلوبیتی بر امر

طبیعیدر . قوانین طبیعیه ضعیفاری دائماً مغلوبیته محکوم ایتمشدر . مغلوب

ملتک اک بیوک فلاکتی مغلوبیتلرنی متعاقب او مغلوبیتک اسباب و عناصر

مؤثره سنی بولوب او عواملی ازله ایلکه قدرتیاب اوله ماملرنده در .

مغلوبلر غالبلردن پک چوق چالشمغه ؛ بر دوره انتباهه کیره رک اسباب

مغلوبیتی اساسندن تشریح ایله او اجتماعی دردلره چاره ساز اولمق یولنی

طوتغه مجبوردرلر . اوغرا دینی فلاکتلردن متنبه اوله میان ، دردلرینه

چاره بوله میان ملتک انقراضه سوروکلند کلرنی تاریخ اثبات

ایدیور .

بر ملتک سبب مغلوبیتی یالکوز بر تک قصور اجتماعی ایله دکل .

فیوضدن حیاتک تموی و امتدادنی تأمین ایلیدی کمز بو طور ازانک محافظه و مدافعه سی اول امرده حیات مجتمعه مزک او طور پراق یوزندن اولدیغنی ادراک ایده بیلیمکه ، او طور اغه بر مربوطیت قلبیه و علاقه حسیه حاصل ایتکه منوطدر .

بناء علیه حس و ظنرورینک تأسیسی جهالتک ازاله سیله ، مناسبتداردر . جهالت عمومییه بر چاره بولمقی منحصرأ حکومت ، معارف نظارتک اجرا آتته حواله ایتکه بولمقی جهالتدن قورتارمغه امکان اوله مدینی کچن سنه لک کوستردیکی امثال ایله تبین ایدیور . جهالتک موجودیت ملیه مزنی کیرن بر درد اجتماعی اولدیغنی ده هر مدرک انسان اعتراف ایدیور . شو حالده بومسئله ده حاصل اولان اتحاد فکری بر قوتدر . بوقوت سایه سنده مملکتک درد جهالتنه قارشی قویق خصوصنده بیوک خدمت ، بیوک تدویرلر یا بیله بیلور . سیاسی جمعیتلرک تشکل و تعددینه شاهد اولدق . کتله اصیله سی جاهل کچینان بر ملتده یوز ، ایکی یوز متفکرک جمعیت سیاسییه تشکل ایتمی بومملکتی قورتاره مز . جمعیت سیاسییه برینه اقدام غزته سنده لوزان مکتوبلرنده کوردیکم نافع جمعیتلردن بر قاجی تشکل ایتسه ایدی ، آتته جقلمی اوفق خطوله لر مملکتده بر عنصر قیلک اولسون حال مؤسفنه چاره ساز اولوردی .

دشمن صلیمز اولان جهالت بر ضربه قطعیه اورمق ایچون فوت طوبلامق و بو دشمنی ازمک عزیمیه متین خطوله لر آتلمسی ایستیورم . بوقوتی طوبلامق ایچون کوکلم محترم سبیل الرشاد کزک سائق اولمسی آرزو ایدیور . محترم مجموعه کزک هیئت تحریریه سنندن ، باشنده بودردمزدن اک زیاده مشتکی اولان عاکف بک افندیکن سیاسی اولدیغنی حالده بر هیئت تشکل ایدلسه ، بو هیئت بر جمعیت حاله صوقق ایچون مملکتک متفکرلرنده بویله بر امنیه خیریهیه قوشه جق و فکریله ، نقدیه ، بدنیله خدمت ایده جک بر چوق سیالر طانیورم .

معارف نظارتی ده تحصیل مجوری قاعده سنی تعمیم ایدر و جمعیت آنا تولیده قالان اکامزده ابتدائی نمونه مکتبلری آچار و ایلیک سنه لرده تحصیل مجانی اساسی قبول اولنورسه بر ایکی سنه ظرفنده هیچ اولمزه نسل مستقبله بر حاضرانق تخمی آتیلور . بو باده کی مطالعات قاصرانه می توسیع ایتکی سبیل الرشادک متفکر هیئت تحریریه سنه بر اقیورم . کله لم ایکنجی مؤثر مغلوبته :

جاهل بر ملیتک وجوده کتیردیک ایردونک دیسپینتی ، ضبط وربطی بوزوقدر . عسکرلکک شکل حاضری بذاته دوشونمک ، صاحب تفرس و انتقال اولمق ، حاله موافق چاره بولمق کچی اوصاف عقلیه می استلزام ایدیور . بویولده حرکت ایده بیلیمک ایچون اساسی بر تعلیم و تربیه دوره سی کچیرمش اولمق و دماغک تربیه ابتدائی تحصیلیه سی بولمق شرطدر . بوندن بشقه بر قوه ماده و وجوده کتیرن بر کتله معلمه می سوق و تحریک

ایده جک برده قوه معنویه نک وجودی لازمدر . درد جهل ایله معلول بر اردونک قوه ماده تعلیمی سی نقصان قاله جنی شبهه سزدر . غیر معلم و طویغوسی نقصان اولان بر کتله بشریه فکریله ، مکتسبات تعلیمی سیله حرکت ایده مز . یکانه سائق حسیدر . جاهل بر کتله انسانیه هر قنقی بر وضعیت مشکله خربیه قارشیننده منتظم بر صورت حرکتله او وضعیتک مشکلاتی اقتحام ایلکه او وضعیتی اصلاح و بر طرف ایتکه مقتدر اوله مز . بونوع کتله لک مشکل آوانده حسیاته تبعیتله قولایجه رجعتلری بر شکل طبیعی حاله کیرمشدر . غریبدرکه شرق و غرب اردولری دارالحرکاتنده وقوعه کلن حادثات مغلوبیت تماماً بر برینه مشابه بر شکلده جریان ایلشدر . بوضورتله ده ثابت اولیورکه اسباب و عوامل مغلوبیت بر اصله راجعدر . حسیله حرکت ایدن بر کتله ده حسیات دینه نک قوتی بیوک بر مؤثردر : وطن طویغوسی ایله مفکوره لئه میان هیئات اجتماعی می حس دینی ایله صلاح ممکنه سوق ایتک ممکندر . اجداد عظامک سائق فتوحاتی هب بو حس علوی دینی اولمشدر . دینه مربوطیتی آزالان ، معتقدات فکریه سی ضمیفلایان و اساساده جاهل اولوب دماغنده هیچ بر غایه فکری بسلیه میان بر ملتک مغلوبیت و سقوطی محقق و قانون طبیعی به نک موافقدر .

دین مبین محمدینک قدسیت جهاده ، مرتبه غزا و شهادته عائد او امرندن خبردار اولیه رقی بلا سائق حرکت ایدن بر جمعیت بشریه نک حیات شخصی ایله علاقه دار اولان اوفاق بر تأثیر آلتنده رابطه سنک چوزولمی و مطلق و مخیل بر حس هراسه قابیلهرق یالکز او حسک سوقیه یوزکری ایتمی طبیعی الحصول حالاتنددر .

ملتده حس دینی تقویه ایدلز ، جهالت پرده سی بیر تلزسه قصور افرادک ، فلان و فلان اشخاصک دکل ، محیط اجتماعینک در . بناء علیه بو محیط اجتماعی ، بو طرز حیاتی دکیشدر مک ، عصره موافق یکی اساسات حیاتی و اجتماعی وضع ایتک احتیاجی آشکاردر .

بز حیات مستقبله ملیه مزنی قورتاره بیلیمک ایچون هر شیدن اول آل بر لکیله معارفی تأسیس ایتکه عزم و ملتده طویغو حاصل ایلکه و حسیات دینه می تقویه ایلکه مجبورز . مملکتمزده یشایان عناصر مختلفه یه ده عثمانلی ملیته منسوبیت حسنی و یره بیلیرسه ک و بونک ایچون ده مکتبلر تأسیس ایده بیلیرسه ک کنارنده بولندیغمز غیای انقراضدن قورتیلیرز .

خواجهر منزله متفکرلر مزه دوشن اک بیوک وظیفه : شوزمان ایچون « احیای ملت » جمعیتی نامی آلتنده منحصرأ معارفله حسیات دینه می اعلا ایله وظیفه دار بر جمعیتک تأسیسنده در .

عمر لطفی